

新增傷寒廣要卷第八

兼變諸證中

結胸胸滿

病人。以傷寒。爲大患。傷寒以結胸爲惡證。夫結胸有陰陽。陽結者。陽盛下之太早。陰結者。陰盛下之太早。其結胸何以辨明。陽結則實痛。陰結則喧痞。其病傷寒之。叉手偃仰。滿硬攻心。起而兩目上視。纔坐兩足前移。醫者見此證。便投陷胸丸。若陽結則痊。陰結則殺之。萬安方。引究原方。○案此論不純。且文有譌脫。然其理稍通。姑錄存之。致成無已曰。傷寒錯語結胸爲甚。

日本東都漢醫大家丹波元堅蒞庭甫撰述
紹興中西醫協會監察委員長何廉臣新增
協會常務委員兼文牘員 男幼廉校勘

東京中醫藥大學圖書館藏
北京中醫藥大學圖書館藏

張兼善曰。下早結胸。事之常。熱實結胸。事之變。其熱實傳裏爲結胸。乃法之關

防不盡者。選錄

凡結胸。有兼發黃。有兼發斑。或發狂。或呃逆者。最重。但脉微細沉。手足冷者。皆難治也。若脉沉緊沉滑沉實。或數大有力者。乃可攻之也。

蘊要○案醫綱。孫兆治傷寒胸腹滿。面黃如金。

色。下小陷胃湯。尋利良愈。

大抵結胸之脉。要沉緊滑實者。乃可下之。沉微細小者。決難救矣。若結胸喘急。直視者。結胸昏憤。厥逆者。結胸狂亂。呃忒者。結胸二三下不退者。此皆死候也。

明條

陷胃湯。治胃中心下結積。飲食不消方。

括萆實 大黃 黃連 各二兩 甘草 一兩

右四味。咀。以水五升。煮取二升五合。分三服。千金 翼方加甘遂。元戎小

陷胸湯於本方。去甘草。水二盞。先煮括萆實。至一盞半。下諸藥。煎至八分。溫

服。未利再服。下黃涎。○案此方。本出千金堅癥積聚中。今治結胸。證在大小陷胸之間者。甚效。因錄于此。

治傷寒十餘日。熱氣結於胃中。往來寒熱頭痛。宜服大黃散方。

川大黃兩一

柴胡兩一

枳實三三

川朴消兩一

赤芍藥兩一

黃芩兩一

虎掌三分。微炒。

右件藥。搗篩爲散。每服四錢。以水一中盞。入生薑半分。煎至六分。去滓。不計

時候溫服。聖惠○案此仍大柴胡湯加芒消。今用以彼而可。

治傷寒十餘日。熱氣結於胃中。往來寒熱不定。宜服柴胡散方。

柴胡三三

枳實三三

赤芍藥三三

甘草兩半

半夏三三

黃芩三三

桔梗兩一

右件藥。搗麤羅爲散。每服五錢。以水一中盞。入生薑半分。棗二枚。煎至六分。

去滓。不計時候溫服。聖惠

若傷飲不解散。成結胸之證。臨時擇用大小陷胸湯丸。累下之。脉浮者。不可下。

是表證未出。小柴胡合小陷胸湯投之。要心



若按心胸。雖滿悶不痛。尙爲在表。未入乎腑。乃邪氣填于胸中。只消小柴胡加枳桔。以治其悶。如未效。本方對小陷胃。一服如神。六書○當參少陽病。小柴胡加減法。

傷寒下之太早。結胸。黃連解毒湯。加枳殼。傷寒結胸虛痞。涼膈散。加枳殼。枳桔。

本標

治傷寒痞氣。胸滿欲死。枳殼湯。

桔梗 枳殼 炙。去穰。各一兩。

右剉如米豆大。用水一升半。煎減半。去滓。分二服。傷寒下早。則氣上膨胸。世

俗卽謂之結胸。多更用巴豆粉霜膩粉下之。十有七八死。此蓋瀉其下。焦下

焦虛。則氣愈上攻。胸膈多致不救。凡胸脹病。只可瀉膈。若按之堅硬而痛。此

是結胸。如胸有水。須用大黃甘遂輩下之。陷胸丸之類是也。若按之不甚硬。

亦館本。有。甚字。痛。此名痞氣。上館本。正。虛氣熱鼓脹。只可用黃芩黃連大黃之類。

化之。嘗有人患胸滿已危困。作結胸痞氣。治皆不瘥。文館本。史。大夫以此湯。



南京中醫藥大學圖書館藏

飲之下黃水一升許。遂瘥。予得此法。用之如神。若是痞氣。莫不應手而消。凡傷寒胸脹。勿問結胸痞氣。但先投此藥。若不瘥。然後別下藥。緣此湯。但行氣下膈耳。無他損。蘇沈

孫用和云。胸滿則諸瀉心湯。審證用。總括○以上陽證

大陷胸湯方

桂枝兩四

甘遂兩四

大棗十二枚

括婁實一枚去皮

人參兩四

右五味。以水七升。煮取三升。去滓。溫服一升。胸中無堅。勿服之。玉函

崔氏。其年時行四五日。大下後。或不下。皆患心下結滿。兩脅痞塞。胸中氣急。厥逆欲絕。心胸高起。手不得近。不過二三日。輒便死歿。諸醫用瀉心湯。余用大陷胸湯。並不得療。重思此是下後虛逆。而氣已不理。而毒復上攻。毒氣相搏。結於胸中。縱不下者。毒已入胃。胃中不通。毒還衝上。復搏於氣。氣毒相激。故致此病。療之當先理其氣。次下諸疾。思與增損理中丸方。



人參二兩

白朮二兩

甘草二兩

乾薑六分

括樓根二兩

枳實四枚

茯苓二兩

牡蠣二兩

右八味。末之。以蜜和爲丸。服如彈子。一丸。熟水下。不歇。復服。余時用此。效驗神速。下喉卽折。續復與之。不過服五六丸。胃中豁然矣。用藥之速。未嘗見此。然渴者。當加括樓。不渴除之下者。當加牡蠣。不下勿用。余因以告領軍韓康伯。右衛毛仲祖。光祿王道豫。靈臺郎顧君苗。著作商仲堪諸人。並悉用之。咸歎其應速。于時枳實乃爲之貴。○案此下。蘇沈所引。文頗異。今錄下方。難者曰。傷寒熱病。理中溫藥。今不解之以冷。而救之以溫。其可論乎。余應之曰。夫今診時行。始於項彊。勅色。次於失眠。發熱。中於煩躁。思之。終於生瘡下痢。大齊於此耳。忌海藻。菰菜。酢物。桃李。雀肉等。深師方同。外臺緣此病由毒攻于內。多類少陰。泄利之後。理應痞結。雖已泄利。毒尙未除。毒與氣爭。凝結于胃。時或不利。而毒已入胃。胃中不通。毒必上衝。或氣先不理。或上焦痰實。共相衝結。復成此患。大

抵毒之與氣。相干不宣。關津壅遏。塗徑不通。故瀉心療滿。而不療氣。雖復服之。其瘥莫由。療氣理結。館本云。療毒氣結。莫過理中丸。解毒通氣。痞自消釋。然乾薑

性熱。故減其分。茯苓通津。括蘆除渴。牡蠣止利。謹審其宜。無不得矣。家人黃

珍者。得病如上。其弟扶就叔。尙書乞藥。余曰。可與理中丸。坐中數客。皆疑不

可。予自決與。于箱中取一彈丸。與之。竺法太調。予曰。○案調。調戲也。此人

不活。君微有緣矣。與時合。瞑許。此至三籌。○案此。疑比譌。扶又來。便叩頭自搏。四座愕然。謂其

更劇。叔問何如。扶答。向藥一服。便覺大佳。更復乞耳。予謂竺。向答曰。上人不

憂作緣。但恐夜更來乞。失人眠耳。果爾。如何。余復與數彈丸。明日便愈。叔遂

至今用之。護軍司法。館本。作馬。劉元寶妾病亦如此。叔復與之一服。如雞子一

枚。便瘥。叔知故文武。遂多蒙救濟。傷寒難療。故詳記焉。此行功自叙也。余以

此丸。與枳殼湯兼服。理無不驗。理中丸所用枳實。只是枳殼。古人只謂之枳

實。後人方。別出枳殼一條。蘇沈肘後。去甘草。云。若嗽。加括蘆二兩。吐。加牡蠣

二兩。活人去括蕞根。牡蠣。名枳實理中丸。活人書括去茯苓加黃芩。元

戎。引王要訣寒實結胸雖痛而無煩躁等證。此因下後虛逆寒氣獨結。宜

理中湯加枳實半錢。茯苓一錢。或枳實理中圓。蘊要若脉沉寒甚者須加

附子。炮熟二錢。或三錢。斟量用之。○案本方所立。蓋本于金匱胃痺人參湯之意。

霍傷寒結胸法。凡病傷寒結胸。其中有中氣虛弱。不堪攻擊。內消者。須以此法外

霍之。則滯行邪散。其效如神。

葱白頭 生薑 生蘿蔔 此味加倍。如無以子代之。

右用葱薑各數兩。蘿蔔倍之。共搗一處炒熟。用手巾。或白布。包作大餅。霍胸
前脹痛處。此藥須分二包。冷則輪換。霍之無不。即時開通。汗出而愈。但不宜
太熱。恐炮烙難受也。景岳○以上陰證

藏結

盧子繇言。藏結舌上胎白滑。滑者純陰之極。不可攻也。蓋舌乃心之苗。紅赤是

正氣胎白而滑。如物入水中。色剝而白也。按藏結一證。昔人以仲景言舌生白胎滑者難治。又謂不可攻復。云此名藏結死。遂至置而不講。殊不知仲景所謂舌白胎滑者。以其仍有熱邪內結。所以生胎。若無邪結。則胎不生矣。只因裏氣素虛。不能蒸熱。故見陽證發見。舌胎亦不得乾燥。以其本虛邪結。故爲難治。非真不治也。謂不可攻者。以其飲食如故。知邪不在胃也。時時自利。其腸中亦無留結也。邪旣不結於腸胃。攻之無益。徒伐元氣耳。至於素有痞積。又加邪結。新舊兩邪相搏。不解。故死。雖然。未可概爲死證。而委之不救也。喻嘉言曾舉黃連湯。余嘗用連理湯治之。亦有能食自利。腹脹急者。用備急丸。有腹痛引脇下。不可按者。用附子瀉心湯。有素有痞積。痛引陰筋者。用四逆湯。加黃桂等。往往獲效。貴在臨證活法耳。

緒論○此說未確。姑存之。石室祕錄。藏結。小腹與臍傷牽痛。以至前陰。治方。用人參。白朮。甘草。附子。當歸。肉桂。煎服。

名散結救藏湯。

發斑

沈氏曰。仲景傷寒論。無發斑明文。而傷寒發斑症極多。歷代言及斑症者。皆據金匱陽毒。云云。

夫熱病在裏。或未發汗。或傷寒候補。

○五字。從

已發未解。或吐下後。而熱毒氣不散。煩躁

謬言語。此爲表虛裏實。熱氣躁於外。故身體發斑如錦文。凡發斑不可用發表

藥。令瘡開泄。更增斑爛。表虛故也。

巢源

發斑者。下之太早。熱氣乘虛故也。下之太遲。熱留胃中。亦發斑。服熱藥過多。亦

發斑。微者斑出五死一生。劇者黑斑出十死一生。

活人注○此說。趙嗣真引王仲弓。即王實也。趙言出遲繩。又千

金。華佗云。若熱毒在外。未入於胃。而先下之者。其熱乘虛入胃。即爛胃也。云云。其熱微者。亦斑出。此候五死一生。劇者。黑斑出。此候十死一生。即此說所本。

傷寒發斑有三。一曰下之太早。二曰下之太遲。三曰已是熱症。投熱藥。三者皆

能令人發斑。故下之太早者。熱氣乘虛入胃。薰灼藏府。熱無所出。乃見于皮膚。

而爲斑爛矣。下之太遲者。熱留胃中。伏熱不得伸越。內則腐爛胃腑。外則發而

爲斑矣。病是熱症。誤投熱藥者。是以熱濟熱。如抱薪救火。致熱延燎。故發而爲

斑矣。失下者。通之熱在內者。清之散之。然今之發斑。皆曰斑者非斑也。乃疹也。

疹之越。亦若斑之狀。小者如粒。大者似指頭。皆有不平者是也。若斑之起。



或如人面如手掌如雲片之狀皆平而無頭者是也故疹則熱淺易治斑則熱深而難治也法五

病證屬陽誤投溫藥或當汗不汗或當下不下或汗下未解陽熱內熱蒸薄外迫熱毒入胃皆致發斑蓋熱必傷血血熱不散裏實表虛由是熱氣乘虛出於皮膚輕則如疹子重則如錦紋是爾斑家謹勿發汗汗之重令閼泄痞爛又加多也凡斑略見一二須早圖之日子稍延獨陽絕陰不可救藥其發黑斑者熱劇胃爛無及矣然而斑之方萌與蚊迹類焉又不可誤用藥也發斑多見於胸腹蚊迹多在手足之間關前陽脉洪大病人昏憤先紅後赤者斑也陽脉不洪病人自靜先紅後黃者蚊迹也發斑屬陽陽毒具而陰脉形或大便自利或怫鬱氣短而燥糞久不得通○六書此下云又如果實醫者盧扁復生莫施其巧發斑通用升麻葛根湯敗毒散犀角地黃湯熱多者玄參升麻湯加生薑烏梅有下證者少與調胃承氣湯孫兆用紫雪一劑○活人云或與紫雪大妙可下者與調胃承氣湯案一劑二字蓋譌證治論

用白虎加人參湯。發斑湯劑。須以紫草。川芎爲佐。血熱內結者。與小柴胡湯。發斑小點稀疏。色常鮮紅者。易治。或如錦紋。隱起餅搭者。難治。若初發色紅。漸次微黯。良久黯。又轉甚。面色肌肉。黧晦者。斷不可救。初發便如黑痣者。亦然。赤斑五死。一生。黑斑十死。凡內外熱熾。汗下不解。煩悶。欬嘔。足冷耳聾。便是發斑之證。總括

傷寒發斑。先用紙然燈。照看病入面部胸堂。四肢背心。有紅點起者。乃發斑也。大抵鮮紅起發者吉。雖大亦不妨。但忌稠密成片。紫赤者難治。雜黑者尤爲難也。有來勢急者。發熱一二日便出斑。來勢緩者。發熱三四日而出也。凡斑既出。頗得脈洪數有力。身溫足煖者。易治。若脈沉小。足冷元氣弱者。多難治。凡斑欲出未出之際。且與四味升麻湯。先透其毒。若脈弱者。倍加人參。食少大便不實者。倍加白朮主之。若斑已出。則不宜再升發也。又不可發汗。汗之更增斑爛。又不宜早下之。則斑毒內陷也。如脈洪數。熱盛煩渴者。以人參化斑湯主之。若消

斑毒。或以犀角玄參湯。大青四物湯之類。如熱毒內甚。心煩不得眠。錯語呻吟者。以黃連解毒湯。加升麻。玄參。大青。犀角之類主之。熱甚煩渴喘欬者。解毒合化斑湯主之。若斑勢稍退。內實不大便。讞語有潮熱者。大柴胡湯。加芒消。或調胃承氣湯。下之。曾治一人。傷寒發斑。四肢強。昏沉。讞語不知人。大便四五日不通。以調胃承氣湯。一下而愈。如未可下。有潮熱煩渴者。且與小柴胡湯。去半夏。加黃連。山梔。黃蘗。括蕓根主之。或加大青。亦佳。如無以大藍葉代之。或真青黛代之。亦可。大抵解胃熱胃爛之毒。必以黃連。大青。犀角。玄參。升麻。青黛。石膏。知母。黃芩。山梔。黃蘗之類。要在審察病情。合宜而用之矣。凡斑已出未出之時。切不可便投寒涼之藥。以攻其熱。并飲涼水等物。恐傷胃氣。作嘔吐也。凡治斑不可專以斑治。必察脈之浮沉。病之虛實。而治之。則爲善治斑也。蘊要○案原分傷寒

。時氣。溫毒。陽毒。內傷寒。陰證。六證。頗屬冗雜。今撮其要。併加錯易。但陰證。錄出于後。

發斑證。輕則如疹子。重則如錦紋。其致此之由。雖分數種。然總由疫毒不解而

然如當汗不汗。則表邪不解。當下不下。則裏邪不解。當清不清。則火盛不解。疫論類編。此下云。有疫毒鍾厚。而蓄毒不解者。當補不補。則無力不解。或下之太早。則邪陷不解。或以

陽證。誤用溫補。則陽亢不解。或以陰證。誤用寒涼。則陰凝不解。凡邪毒不解。則直入陰分。鬱而成熱。乃致液涸血枯。斑見肌表。此實毒邪固結。營衛俱劇之證也。但斑有微甚。勢有重輕。輕者細如蚊迹。或先紅而後黃。重者成粒成片。或先紅而後赤。輕者只在四肢。重者乃見胸腹。輕者色淡而隱。重者色紫而顯。若見黑斑。或大便自利。或短氣。或二便不通。則十死九矣。凡病傷寒而汗下溫清。俱不能解。及足冷耳聾。煩悶欬嘔者。便是發斑之候。景岳

邪留血分。裏氣壅閉。則伏邪不得外透而爲斑。若下之內壅一通。則衛氣亦從而疏暢。或出表爲斑。則毒邪亦從而外解矣。若下後斑漸出。不可更大下。設有下證。少與承氣。緩緩下之。若復大下。中氣不振。斑毒內陷。則危。宜托裏舉斑湯。

彙講。葉天士
溫證論治。

凡癍疹初見。須用紙撚照看。胸背兩脇點大而在皮膚之上者。爲斑。或雲頭隱隱。或瑣碎小粒者。爲疹。又宜見而不宜多。見按方書謂。斑色紅者屬胃熱。紫者熱極。黑者胃爛。然亦必看外症所合。方可斷之。春夏之間。溼病俱發。癍疹甚如淡紅色。四肢清口不甚渴。脈不洪數。此非虛斑。卽陰斑。或胸微見數點。面赤足冷。或下利清穀。此陰盛格陽於上。當溫之。若斑色紫而點小者。心胞熱也。點大而紫。胃中熱也。斑黑而光亮者。熱毒極熾。雖屬不治。然其人氣血充者。依法治之。或有可救。若黑而晦者。必死。黑而隱隱四旁赤色者。乃火鬱內伏。大用清涼透發。間有轉紅而可救者。又有夾斑帶疹。皆是邪之不一。各隨其部而泄。然斑屬血者。恆多。疹屬氣者。不少。斑疹皆是邪氣外露之象。發出之時。宜神情清爽。方爲外解。裏和如斑疹出而昏者。此正不勝邪而內陷。或胃津內涸之故矣。醫吳

不透毒必內陷。遂有棘手之虞。沈氏

升麻葛根湯

升麻 葛根

白芍藥

甘草

炙。各一十兩。

右爲庵末。每服三錢。用水一盞半。煎至一中盞。去滓。稍熱服。不拘時候。日二

三服。

和劑

活人名升麻湯。

○案此本千金小兒芍藥四物解肌湯。今去黃芩。加甘草。

玄參升麻湯。治傷寒發汗吐下後。毒氣不散。表虛裏實。熱發於外。故身斑如錦紋。甚則煩躁譫語。兼治喉閉腫痛。

玄參

升麻

甘草

炙。各半兩。

右剉如麻豆大。每服抄五錢匕。以水一盞半。煎至七分。去滓服。

活人

陽毒升麻湯。治傷寒一二日。便成陽毒。或服藥吐下之後。變成陽毒。腰背痛。煩悶不安。面赤狂言。或走或見鬼。或下利。脉浮大數。面赤斑斑如錦紋。咽喉痛。

睡膿血。

○睡。原作下。今改。



升麻分二

犀角屑分一

射干分一

黃芩分一

人參分一

甘草分一

右剉如麻豆大。以水三升。煎取一升半。去滓。飲一湯盞。食頃再服。溫覆。手足出汗。汗出則解。不解重作。人活

玄參。

化斑湯治斑毒。○此三字。從醫方類聚引錄。

人參半兩

石膏半兩

萎蕤

知母

甘草各一分

右剉如麻豆大。每服抄五錢匕。水一盞半。入糯米一合。煎至八分。取米熟爲度。去滓溫服。人活證治論用化斑湯。乃白虎加人參湯別名也。人活書括○準繩。趙嗣真亦

引王仲弓。云。發斑。皆用白虎加人參湯。一名化斑湯。

趙氏子病傷寒餘十日。身熱而人靜。兩手脉盡伏。俚醫以爲死也。弗與藥。翁診之。三部舉按皆無。其舌胎滑。而兩顙赤如火。語言不亂。因告之曰。此子必大發赤斑。周身如錦文。夫脉血之波瀾也。今血爲邪熱所搏。淖而爲斑。外見於皮膚。



北京中醫藥大學圖書館藏